



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 9. De Itinere ad hortum.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

longè antecellere putantur , turpius corruant.

6. Permisit Dominus Petrum in columnā illam magnam labi , pro nostra instructione. Primum vt disceremus non nobis fidere , aut de nostris viribus magnificè sentire , nostra imbecillitate cognita. Deinde vt plus Christo, iisque , qui vice ipsius nobis præsunt , quam nostro iudicio credamus. Tertio , vt imprudentem eorum audaciam reprimeret , qui res magnas scire, & facere melius quam alij volunt. Quarto , vt quibus aliorum cura & gubernatio commissa est , suo experimento discant , quomodo subditorum infirmitatibus, si quando labantur, compati debeant.



MEDITATIO IX. DE ITINERE

AD HORTVM.

PVNCTA MEDITATIONIS.

Mat. 26. I. Hymno dicto, egressus est cum discipulis trans torrentem Cedron, in montem Oliueti.

Mar. 14.

Luc. 22.

Ioan. 18.

II. Ingressus hortum, assumptis tribus discipulis, coepit tristari, pauere, tædere, ac mœstus esse.

III. ait illis : Tristis est anima mea, vsque ad mortem; sustinete, & vigilate mecum. Et auulsus est ab eis ad iactum lapidis.

FIGV.

FIGURA.

IOSAPHAT Rex Iuda, intelligens ^{2. Par. 20}
 Moabitas & Ammonitas magnum exercitum contra se ducere, plenus timoris & pauoris, prostravit se in oratione coram Domino, oblectrans vt manus hostium posset euadere.

PROPHETIÆ.

COR meum conturbatum est in me. & for- ^{Psal. 54.}
mido mortis cecidit super me.
 Repleta est malis anima mea. & vita mea ^{Psal. 87.}
in inferno appropinquauit.

DOCUMENTA.

1. **N**EQVAQVAM seruis Dei desperandum est, si quando tentationis tempore, etiam si timore, & animi quadam deiectione se impugnari sentiãt; vt enim nobis praberet exemplum, voluit Christus redemptor noster ipse timore & tristitia affici.
2. Non tam tristis est Saluator de sua morte, quam cupide optabat, quã de nobis. Debemus ergo & nos ipsum imitantes, tristitia simul & misericordia de proximorum spiritali damno aut indigentia moueri.
3. Si Christus ex amore nostri tantum dolorem & anxietatem sine vlllo solatio sentire voluit; decet nos pro amore in ipsum nostro, proq; nostra salute voluptates, & inania mundi gaudia contemnere.

L 5

4. Si

FIGV.

4. Sicum deuotione cupimus orare; intran-
dum est cordis secretum, purgata mente à ter-
renis affectibus, & à multorum conuersatio-
ne, etiam amicorum discedendum: vt Chri-
stus à carissimis discipulis abiit.

5. Discamus exemplo Christi frango ra-
tionis coercere exultantes perturbationes,
ne vsque ad animam penetrent; sed ma-
neant in solis sensibus sub imperio volunta-
tis.

6. Si quando in actionibus aut laboribus
pro Deo susceptis, tadium nobis aliquod ob-
repat aut tristitia; ne despondeamus ani-
mum, neque putemus idcirco nostros labo-
res merito aut fructu carere. Solemur nos ex-
emplo Christi, qui in ipso opere redemptionis
nostræ tadium & quoddam velut fastidium
sensit.

7. In omnibus molestijs & tentationibus
ad preces confugiendum est; quarum ope
consequemur, vt vel profus onere hoc libe-
remur, vel certè ea nobis virium fiat accessio,
vt facilius perferre, & fructum ex rebus ad-
uersis capere possimus.



MEDITATIO X.

DE ORATIONE

CHRISTI IN HORTO.

PVNCTA MEDITATIONIS.

*Mat. 26 I. Procidens in faciem orabat, vt si
Mar. 14. fieri posset, transfiret ab eo hora,
Luc. 22. cum resignatione: non mea, sed tua
voluntas fiat.*

II. Inue-